

Kasalla: Alle Jläser huh

Wohoho, wohohohohooo
Wohoho, wohohohohooo

Ich würd su jähn mit dir ene drinke jon - Eyo eyo
Et jöv su viel zu verzälle - Eyo eyo
Et letzte mol es iwig her,
doch dinge Platz he an der Thek der bliev,
für immer leer.

Doch ich jlöv doran dat du uns he süüs - Eyo eyo
Un ich dröm dovon dat du bei uns bes - Eyo eyo
Dorüm heve mer die Jläser dohin wo die Engel sin,
denn do bis du un luurs uns zo.
Dorüm alle Jläser huh!

Refrain:

Op die Liebe un et lävve,
op die Freiheit un dr Dud.
Kumm mer drinke uch met denne die im Himmel sin,
alle Jläser huh! (Alle Jläser huh, woho) (4x)

Janz ejal op du jet zo fiere häs - Eyo eyo
Alles oder nix zu verliere häs - Eyo eyo
Alle Jläser zo de Stääne,
denn die Engel die uns fähle stusse jähn,
met uns an.

Op all die Bilder die lang verbliche sin - Eyo eyo
Un die Chance die at verstriche sin - Eyo eyo
Un en Rund op all die Stolperstein,
die Fähler, Schramm un der ganze Schmu,
dat jehürt dozu.
Dorüm alle Jläser huh!

- Refrain -

Ich kann üch do ove fas sinn,
ihr sitzt up ner Wolk halt üch en.
Un ihr singt:

- Refrain -